

ქალაქ თბილისის მუნიციპალიტეტის საკრებულო

განკარგულება №

---ივნისი 2020 წელი

ქალაქ თბილისში, ვაკის რაიონში, თხინვალაში, იოსებ კეჭაყმაძის ქუჩასთან არსებული ორი უსახელო ჩიხისთვის იოსებ კეჭაყმაძის სახელის მინიჭების შესახებ

1. საქართველოს ორგანული კანონის - “ადგილობრივი თვითმმართველობის კოდექსი” 68-ე მუხლის პირველი პუნქტის „გ“ ქვეპუნქტის, „მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“, საქართველოს მთავრობის 2015 წლის 1 ივნისის №239 დადგენილებისა და „ქ.თბილისის მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“, ქ.თბილისის მუნიციპალიტეტის საკრებულოს 2015 წლის 16 ივნისის №14-59 დადგენილების თანახმად, ქ.თბილისის მუნიციპალიტეტის საკრებულომ დაადგინა:

ა) ვაკის რაიონში, თხინვალაში, იოსებ კეჭაყმაძის ქუჩასთან მდებარე ორ უსახელო ჩიხს მიენიჭოს იოსებ კეჭაყმაძის II და III ჩიხის სახელი, თანდართული რუკის თანახმად.

ბ) ქ.თბილისის მუნიციპალიტეტის მერიამ, ოთხი თვის ვადაში, უზრუნველყოს ამ განკარგულების შესასრულებლად საჭირო ღონისძიებების განხორციელება.

2. განკარგულება, ერთი თვის ვადაში, შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი №64).

საკრებულოს თავმჯდომარე

გიორგი ტყემალაძე



თბილისის საკრებულოს სახელდებისა და სიმბოლიკის
კომისიის თავმჯდომარეს ქბ_ნ. თინათინ ნიბლოშვილს

მოქალაქე რევაზ მაისურაძის პ/ნ01012015703

მობ. 577-440-740

გ ა ნ ც ხ ა დ ე ბ ა

მოგახსენებთ, რომ კერძო საკუთრების უფლებით ვფლობ მიწის ნაკვეთს ს/კ
72.16.18.325 (ღისი, სოფელი ზემო ღისი), რომელზეც ავაშენე და საჯარო რეესტრში
დავარეგისტრირე საცხოვრებელი სახლი.

ამა წლის მაისში მივმართე საჯარო რეესტრს დამისამართების მოთხოვნით,
რომელმაც განცხადება გადმოგზავნა საკრებულოში, თქვენს კომისიაში.

კომისიიდან სატელეფონო საუბრით ამიხსნეს, რომ თუ მიწის ის ნაკვეთი ს/კ
72.16.18.327 რომელიც არის ჩემს საკუთრებაში არსებული ნაკვეთისათვის აუცილებელი
გზა არ დაიტვირთებოდა სერვიტუტით ჩემს სასარგებლოდ, ისე სახელდება ვერ
განხორციელდებოდა.

დღეის მდგომარეობით ზემოთ აღნიშნულ ნაკვეთს ადევს სერვიტუტი ჩემს
სასარგებლოდ, რაც თავის მხრივ არის ახალი გარემოება.


გთხოვთ მოახდინოთ ჩემი საცხოვრებელი სახლისათვის სახელდება, რათა მომენიჭოს
მისამართი.

03.12.2019 წ.

პატივისცემით განმცხ.



რ. მაისურაძე.



ქალაქ თბილისის მუნიციპალიტეტის საკრებულო

TBILISI CITY MUNICIPAL ASSEMBLY



წერილის ნომერი: 03-0320043200

თარიღი: 12/02/2020

პინი: 4760

ადრესატი: ქალაქ თბილისის მუნიციპალიტეტის მერია
მისამართი: შარტავას ქ. 7ა

გადაამოწმეთ: document.municipal.gov.ge

ურბანული განვითარების საქალაქო სამსახურის უფროსს
ბატონ გიორგი ებანოიძეს

გაცნობებთ, რომ სახელდებისა და სიმბოლიკის კომისიაში მიმდინარეობს ადმინისტრაციული საქმისწარმოების პროცესი მოქალაქე რევაზ მაისურაძის 2019 წლის 3 დეკემბრის საქმე #19/031933774-03 დაკავშირებით, რომლითაც ითხოვს უსახელო გეოგრაფიული ობიექტის სახელდებას (ს.კ.72.16.18.325).

სახელდებისა და სიმბოლიკის კომისიის მიერ ინტერაქტიული რუკის მეშვეობით შესწავლილი იქნა უსახელო გეოგრაფიული ობიექტის მდებარეობა და მის მიმდებარედ სახელდებული ქუჩები.

გთხოვთ, შეისწავლოთ დანართში, ჩვენს მიერ არაპროფესიონალურად მოხაზული ტერიტორია და გამოგვიგზავნოთ იოსებ კეჭაყმაძის ქუჩასთან მდებარე ჩიხების სიტუაციური ნახაზი ქ. თბილისის მუნიციპალიტეტის საკრებულოს 2015 წლის 16 ივნისის #14-59 დადგენილების შესაბამისად.

დანართი 2 (ორი) გვერდი.

თინათინ ნიბლოშვილი

ქალაქ თბილისის მუნიციპალიტეტის საკრებულო-
სახელდებისა და სიმბოლიკის კომისია-კომისიის
თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი





ქალაქ თბილისის მუნიციპალიტეტის მერია
**ურბანული განვითარების
 საქალაქო სამსახური**



წერილის ნომერი: 67-01200594511
 თარიღი: 28/02/2020
 შინი: 0904

ადრესატი: ქალაქ თბილისის მუნიციპალიტეტის საკრებულო
 მისამართი: თავისუფლების მოედანი N2

გადაამოწმეთ: document.municipal.gov.ge

სიმბოლიკის კომისიის თავჯდომარეს

ქ-ნ თინათინ ნიბლოშვილს

მის: თავისუფლების მოედანი #2

ტელ:+995(32)2 15 92 92

ქალბატონო თინათინ,

ქ. თბილისის მუნიციპალიტეტის მერიის ურბანული განვითარების საქალაქო სამსახურმა განიხილა თქვენი 12.02.2020 წლის #03-0320043200 (12.02.2020წ. #14-01200433458-67) განცხადება, რომლის პასუხადაც მოთხოვნის შესაბამისად გიგზავნით კარტოგრაფიულ მასალებს არსებული დასახლების, სკვერის, სპორტული მოედნის, ჩიხების, შესახვევისა და გასასვლელულების მითითებით. (იხ. დანართი)

გამოყენებულია კვალიფიციური
 ელექტრონული ხელმოწერა/
 ელექტრონული შტამპი





იოსებ კეჭაყმაძე

(1939-2013)

კომპოზიტორი

იოსებ კეჭაყმაძე დაიბადა ქ.ოზურგეთში, ილია კეჭაყმაძისა და ელენე ორაგველიძის ოჯახში. იოსებ კეჭაყმაძე 1955 წლიდან სწავლობდა ქ. ბათუმის ზ. ფალიაშვილის სახელობის მუსიკალურ სასწავლებელში, ხოლო შემდეგ თბილისის ცენტრალურ მუსიკალურ ათწლედში, საგუნდო-სადირიჟორო განხრით. 1960-1965 წლებში სწავლობდა ვ.სარაჯიშვილის სახელობის კონსერვატორიაში საკომპოზიციო ფაკულტეტზე.

ჯერ კიდევ მუსიკალურ ათწლედში სწავლის პერიოდში, იოსებ კეჭაყმაძე მუშაობდა ქ. თბილისის მასწავლებელთა რესპუბლიკურ სახლში გუნდის კონცერტმამისტერად და ქორმამისტერად. კონსერვატორიაში სწავლის პერიოდში კი კონცერტმამისტერად საგუნდო-სადირიჟორო კათედრაზე ოდისეი დიმიტრიადთან. 1966 წელს მუშაობა დაიწყო მუსიკალურ - ქორეოგრაფიული საზოგადოების პრეზიდენტობაში სხვადასხვა თანამდებობებზე. 1968 წლიდან ეწეოდა პედაგოგიურ მოღვაწეობას კონსერვატორიაში. 1980-2007 წლებში იყო საგუნდო - სადირიჟორო კათედრის გამგე. 1984 წელს მიენიჭა პროფესორის წოდება. 1972 წლიდან საქართველოს კულტურის სამინისტროში იყო მუსიკალურ დაწესებულებათა სამმართველოს უფროსი, სარეპერტუარო—სარედაქციო კოლეგიის მთავარი რედაქტორი. 1993 წლიდან იყო ზ. ფალიაშვილის სახელობის პრემიის კომიტეტის თავმჯდომარე. 2002 წლიდან კულტურის მინისტრის მრჩეველი.